

晚晴移詩匯

晚晴移詩匯卷一百七目錄

阮元 二十三首

任廷珍 二首

顏時普 一首

張青選 一首

朱廣川 二首

曹應穀 三首

邵希曾 三首

秋學禮 一首

彭鼇 一首

胡昌基 二首

蓋方泌 十首

黎簡 三十四首

趙德懋 二首

張其祿 二首

尤維雄 五首

熊攀龍 二首

孫蔚 二首

黃鉞 十首

蔣祥墀 一首

錢福胙 六首

石韞玉 六首

陳慶槐 二首

陳之綱 二首

李鑾宣 七首

王蘇 十三首

邵葆醇 一首

桂馥 二十首

張若采 四首

王應垣 一首

鄭大謨 五首

封大受 二首

晚晴移詩匯卷一百七

徐世昌

阮元字伯元號雲臺儀徵人乾隆己酉進士改庶吉士

授編修官至體仁閣大學士重宴鹿鳴加太傅諡文

達有學經室集

王蘭泉曰雲臺中丞精窮經義校讐考訂一本爾雅
 說文愛才好士凡挾一藝之長者皆所與
 搜采篇章鉤稽典故輯淮海英靈集兩浙輶軒錄及
 經籍纂訪又隋算術撰日雲臺先生學深博無涯
 名儒所未有吳蘭石曰雲臺利玉節卓然正聲
 淡詩亦從經術性情中流出金和盛之後規模博
 詩話文達政績學術承乾嘉極盛之東坡放翁晚涉
 事為詩才力不讓專家歌行出入東坡放翁晚涉
 齋近體風格亦近中唐題詠金石之公作不考據傷
 格兼覃谿之長而祛其弊才大故也公特賞擢第一
 鏡詩四目何須此重瞳不用他二語被特賞擢第一
 後有臨清舟中詩云高宗壽八旬目無雙鬢照臣
 賦眼鏡詩褒許得優詔蓋紀當時恩遇之隆傳為詞
 林嘉話在朝屢至萬柳堂游宴賦詩有云但是鷺鷥

飛到處管教風景似江南歸田後築別墅於湖莊日
南萬柳堂汪醉卿廷儒爲作圖文達自記手書於後
時年已七十有七
此圖今藏余所

曲阜城東

庫門東去意蒼茫泗水西流向夕陽陵上白雲留少皞地
中黃土認空桑策書字在郊麟死鐘鼓聲銷海鳥藏過客
未談三古事莫教先賦魯靈光

同人登岱至對松山日暮而返

未及上翠微暫攬松山勝嵌巖置修除緣壁起盤磴拂衣
千仞上闌危不可凭峯高多夕陰天半風初勁坐我萬松
間蒼翠互相競白雲橫不流中有新寒疑林壑媚幽姿泉
石動清聽已忘世人情羨彼飛鳥性

壽聖院西南石壁上有龍洞出入里許

神龍抉壁入破壁復飛去龍去壁已穿介然用成路當門
立大佛乍見心疑怖石泐面如削曾向夢中遇前多夢石人無面今
所見過此入深隧秉燭遂暗度俯行尻益高相呼不相顧
一隙忽生明目開夜響曙不知出何山奇險更難步手中
得葛蘿足下生松樹蜿蜒攫爪痕是我題名處

萊州蜉蝣島

山根走入海出海更成山一碧措銅鏡孤青擁鈿鬢潮生
春蟄起月黑夜珠還誰復能齊物蜉蝣天地間

登蓬萊閣

下見滄溟上絳霄城頭一閣獨超超天能包括鯨波靜日
有光華蜃氣銷島外帆移千里目坐中人壯午時潮曾游
山海東經內酈注江河總寂寥

大龍湫歌

山迴路斷溪谷窮，靈湫陰闕龍所宮。眼前無石不卓立，天
上有水皆飛空。飛空直落一千尺，鬼神不任疏鑿功。絕壁
古色劃爾破，山腹元氣沖。然通有時靜，注絕不動春。陽下
照神和融，有時飛舞漸作態。已知圓嶂生微風，一甌春茗
噉已盡。水花未散猶復搖，玲瓏颯然乘飈。更揮霍隨意所
向，無西東不向尋常落處落。或五十步百步，皆濛濛。豈料
仙境在，人世誰作妙戲。惟天公雲煙雨雪銀河虹玉塵冰
穀珠簾櫳萬象變幻，那足比。若涉擬議皆非工，石門飛瀑
已奇絕。到此始歎無能同，惟有天柱矗立龍湫中。屹然百
丈，與此爭雌雄。

八月望後至海甯州登海塘觀潮

錢塘江湖秋最巨未抵鹽官十之五我來鹽官塘上立月
初生霸日蹉午江水忽疑不敢東海口哆張反西吐潮不
推行直上飛水不平流自僵豎海若憑陵日再怒地中同
振千雷鼓馬銜高坐蛟鼉舞拔箭倒發錢王弩須臾直撼
塘根去搖動千人萬人股如捲黑雲旋風雨如騁陣馬鬪
貔虎如陰陽炭海底煮如決瓠子不能禦三千水擊徙滄
溟十二城隳倒天柱氣欲平吞於越天勢將一洗餘杭土
吁嗟乎地缺難得媧皇補大功未畢悲神禹此是東南不
足處豈爲區區文與伍滄海桑田隔一隄魚龍鯨首相鄰
處我皇功德及環瀛親築長防俾安堵全用金錢疊作塘
不使蒼生沐鹹鹵邇來龕赭漲橫沙卻指尖山作門戶雁
齒長椿十萬行魚鱗巨石三層礎王充論前有古蹟枚乘

發後無奇語吁嗟乎此塘此潮共千古詞人心樂帝心苦
温州江中孤嶼謁文丞相祠

獨向江心挽倒流忠臣投死入東甌側身天地成孤注滿
目河山寄一舟朱鳥西臺人盡哭紅羊南海劫初收可憐
此嶼無多土曾抵杭州與汴州

天台藤杖歌

福庭本是羣仙囿漢代桃源尙如舊仙人手種祁婆藤擲
與人間賽靈壽敲破鐵簧捫柳栗擎起蛟身看清瘦我來
天台親見之萬年嶺上垂金枝猿狖引臂弄光澤筋纏石
骨堅無皮鹿樵偶向夢中得七尺珊瑚淡紅色豈須芝草
始長生著手已能助仙力石梁雨滑生蒼苔聽笙看月登
瓊臺恐隨飛瀑化龍去直撥白雲尋鶴來持歸拂拭奉堂

上腰腳輕便不汝仗躍馬才從靈隱回橫膝聊爲壽者相
庭前倚杖聽兒詩如策長藤到台蕩

題五代馬楚復溪州銅柱拓本

此柱宋竹垞檢討舊有二跋吳任臣十國

春秋載此文訛數十字且沿五代史士然之訛今觀拓本賣土愁也柱今在保靖縣十里舊茅灘上館師彭芸楣大司空以拓本屬題

伏波鑄銅柱歸車得讒搆馬殷無功德天以湘潭授勳
在千年毋乃是華胄士愁一角蠻豈如徵側富不爲錦溪
長甘作辰澧寇盜用盤瓠兵敢與九龍鬪僭僞當盛時材
力每雄厚梯棧破溪塞焚林縛猿狖五姓跪飲血求誓僅
自救王曰與爾盟鬼神質詛咒伏波文學博四羊印曾奏
當年若勒銘定能正蒼籀天策十八人無出宏皋右雄文
與功稱所學亦不陋赤堊丈二尺鑿字硬且瘦惜哉猴掉

尾鬢煙蝕銀鏤前年有苗格露布出雲岫拓本來軍中南
昌辨其讀史校薛歐闕跋訂吳朱謬吾祖昔征苗午夜揮
兵走十戰九洞中碧血染袍袖此柱當戰壘刀鏤或親扣
挾册三摩挲仰視日中畫

同人分詠古十印得劉淵之印

漢寶缺角威斗亡永嘉六璽歸晉陽中間竊斂數十載天
生漢甥劉元海元海二角眞英雄蛟龍那得居池中可憐
王侯降編戶劉淵名但鑄頑銅此銅鑄印尙青組隨陸文
兼絳灌武朱范同門傳五經曾以書緘封印土無端玉璽
來河汾改元刻瑞增三文淵于汾中得玉璽增淵
海光三字改元河瑞平陽光
昌漢天子豈監司馬家兒軍當塗典午皆成篡昭烈廟中
出降禪公主之孫能復仇人心到底思東漢惜哉和隤性

不仁不及李淵生世民若使石符奉漢璽諱淵久已如唐
人我今得印繫之肘剛卯金刀辟邪鈕同水爲淵屬象形
想見單于文在手

元海生有文在手曰淵故名

月夜拜滕文公廟

停車滕國廟寒月四更天老屋鐙昏壁寒林霜化煙平原
五十里殘碣一千年願與迂儒說閒來試井田

過密縣

鄘鄭風詩在今來溱洧間雲生風后嶺日落大隗山儉俗
皆陶穴

居民多就土崖穴處

愚民不秉簡最憐春麥短地褊食尤艱

嵩山三石闕歌

嵩嶽三闕同高低左右離立八尺齊啟母一闕距其北太
室峙東少室西誰其建者漢朱

龍呂營

誰其書者皆堂谿

漢穎川篆隸詰屈銘句奧請降雲雨生蒸黎畫圖月兔木
連理駕車乘馬鉤象犀閱魏太武周久視夏暴烈日冬流
澌二千年來屹相向厥質麤剝厥色黧二室神祠始秦漢
產啟已說龠山妻要之陽城本禹地三塗四載應無迷此
闕靈祇久呵護歐趙訪古何未稽褚峻縮本我早見茲來
策馬尋荒蹊闕間頗足容二軌壁壘未可窮攀躋周魯雉
闕制可見雉度以絳非以雞氈槌拓取墨華勦寶之無異
摹元圭更洗奉堂額東石一行刻字名留題神君興雲闕
中起廟牆漢柏春鳩嘯

四月十日同顧星橋吏部

宗泰

陳古華太守

廷慶

石

狀元

韞玉

三院長暨朱椒堂兵部

爲弼

蔣秋吟太

史詩

華秋槎

瑞潢

何夢華

元錫

王柳村

豫

項秋子

壩張秋水 鑑 諸君子集靈隱置書藏紀事

尙書未百篇春秋疑斷爛列史志藝文分卷本億萬傳之
千百年存世不及半近代多書樓難聚易分散或者古名
山與俗隔厓岸岩巒靈隱峯琳宮敞樓觀共爲藏書來藏
室特修建學人苦著書難殺竹青汗若非見著錄何必弄
柔翰舟車易遺亡水火爲患難子孫重田園棄此等塗炭
朋友諾黃金文字任失竄或以經覆瓿或以詩投溷當年
無副本佚後每長歎豈如香山寺全集不散亂名家勒巨
帙精神本注貫逸民老田間不見亦無悶雖不待藏傳得
藏亦所願我今立藏法似定禪家案諸友以書來收藏持
一券他年七十廚卷軸積無算或有訪書人伏閣細披看
古人好事心試共後人論旣汎西湖舟旋飽蔬筍飯出寺

夕陽殘鷺嶺風泉煥

題家藏漢延熹華嶽廟碑軸子

太華三峯削不成夜來碧色無深淺仙人染作延熹碑飄

落人間止三卷長垣

注鵬

一冊歸商邱

宋華今

但損偏旁

最完善華陰東

雲郭宗

又一函椒花館中見者鮮謂朱竹

家以上二本皆翦

我今快得四明本玉軸緜囊示尊顯豐

萬卷

全鮑琦

范天一

錢潛孳

三百年入我樓中伴文選子

宋尤表

驚心動魄竹垞語七尺巖巖闕空展渾金璞玉天

所成幡然不受人裁翦

全碑未

唐宋題字皆分明衛公兩

款夾額篆全身平列廿二行波磔豪釐盡能辨一字一朵

青蓮花玉女翻盆墨雲輦已已摹鑄向北湖市石察書書

佐遣湖邊更刻泰山碑

時余以八月廿二日印入觀過揚

山碑同置城北四
十里湖橋墓祠中
嶽色雙雙照人眼

覺生寺觀永樂大銅鐘

永樂洪鐘閱古今
虹梁鼇柱屋沈沈
銷兵秦政成餘習
懺佛蕭梁本疚心
一棒難超無量劫
萬鈞豈躍不祥金
華嚴輪轉熙朝後
始聽蒲牢自在音

聖母祠

晉源之神舊名女郎祠宋熙甯中加聖母號居正殿別立女郎小祠於泉上閩百詩曾據斷碑知爲芭姜也

漫說叢祠住女郎
亂臣原是古周姜
雲冠松蓋山樓靜
翠葉銀花水鏡涼
開母有姨居少室
夫人辭帝降清湘
后妃治法分明在
底事河東見武楊

游浯溪讀唐中興頌用黃文節詩韻

帆隨湘轉尋浯溪
登岸欲摩唐宋碑
密林接葉山徑寂
青

蟲當路垂秋絲橋邊清波眼到底亂石鑿鑿藏魚兒蒼崖
百尺懸于西削成絕壁鳥不棲碑乃魯國之所寫頌乃次
山之所爲三千里外有水部十四年後無太師人賢地勝
文筆古過客墨搨爭灑揮壁立積鐵屹不動安者見安危
見危江湖豈獨漫郎宅又遣山谷來題詩各人忠愛各朝
事大部楚澤騷人辭事有至難最可歎靖康俄與靈武隨
惟有溪邊古漁父欸乃湘煙無所悲

送春日去桂林

人在天涯送遠春
遠春還送欲歸人
風光漸掃纏緜雨
雲水原隨淡宕身
玉筍峯多通桂驛
木蘭舟小望榕津
祇憐花事成狼籍
那有殘紅上繡茵

唐荔園

紅塵笑罷宴紅雲二百餘載荔子繁十國祇知漢花陽晚
唐誰憶咸通園咸通嶺南鄭節度風流曾見詩人言曹松
陪游老文筆丹砂溼溼霞軒軒前此英詞接扶荔曲江一
賦傳開元荔香曲破妃子去貢騎不復馳中原後此年年
荔支熟那堪屈指巢與溫桑田有改荔林在隱巖得地皆
唐恩茉莉不强牡丹勝昌華廢苑成荒村方今承平嶺海
盛夷寶十倍唐崑崙貢獻屏絕尤物賤百蠻共仰朝廷尊
節使公餘但緩帶荔灣一任開園垣士民競赴半塘社東
荔支社以食多者爲勝勝則稱
荔支狀頭少則罰飲酒數大白家家畫舫傾芳罇燕脂林
外立白鷓芙蓉塘底飛文鴛所惜游談但南漢何曾買夏
唐園論劉家暫竊枝與葉豈知本是仙李根曹詩巋然見
文苑古園不泯因詩存喜從新構得陳迹社詩千首題園

門詩人精魄自千古一亭便可乾與坤更向夢徵追老杜
試擘重碧輕紅痕

雲南督署之東園亭館花木之勝爲歷任所未有心
念此間宜有鶴未幾日忽飛一白鶴來翌日又有
一鶴盤旋空中鳴聲相呼薄暮並集於園月餘遂
馴且能舞矣作來鶴篇

我入滇池數千里載萬卷書非得已不將一鶴伴琴來多
恐禽軒累行李宜園亭館清如仙周遮竹地梅花天閒階
十丈草如席惜少皋羽來蹠躡忽聽園中發清唳亭邊橫
落車輪翅一鶴適從何處來老叟灌園詫奇事一鶴忽來
已詫奇翌日又得一鶴隨嗟我念鶴鶴豈知鶴來隨我誰
使之胎仙識我是清俸肯來啄料兼催詩我詩昔未向鶴

吟今與爾同萬里心羽帶點蒼山上雪夢入瀾滄江水深
風和對舞百花下露寒相警青松陰如此園林如此鶴屈
指廿年無此樂惟憶春明仙蝶來修書未了秋花落昔大京有仙蝶來園中

南雲行

仰看雲在天未辨行遲速今日穿雲跨嶺行豈知疾過奔
馬足平地風氣清吹雲天上行今日披雲動涼氣始知風
在雲中生山不見路惟見雲桃花梨花近不分北雲壓山
鳥欲雨南雲映日紅氤氳下山直自雲中落雲中之人輕
似鶴翩然可是隔仙凡悵望山頭挂雲腳我聞仙人乘雲
兼御風仙家幻術安能通不如安坐南雲下笑指此雲稱
老翁

汪廷珍字玉粲號瑟菴江蘇山陽人乾隆己酉一甲二
名進士授編修官至禮部尙書協辦大學士加太子
太保贈太子太師諡文端有實事求是齋詩文集

示孫作

頭角崢嶸已長成之無未識漫伊嚶烝嘗學拜隨人後棗
栗分甘慰我情欲勗箕裘愧弓冶願無災難莫公卿城南
數畝堪勤力爾牧黃牛爾父耕

送吳穀人祭酒乞養南歸

自憐魚鳥性十載客長安拙任升沈幻貧嗟去住難壯懷
雙鬢短歸夢一鐙殘何日煙波裏從君把釣竿

顏時普字穀田號雨亭南海人乾隆己酉舉人官太常
寺博士有觀心貞元諸集

訪杭坡先生釣臺故址

壯歲遼東戍歸來一釣翁功名符止水師友剩高風斷碣
蒼煙外危磯夕照中桐江有遺蹟寄託古今同

張青選字商彝號雲巢順德人乾隆己酉舉人由知縣
歷官湖北按察使降浙江金衢嚴道有清芬閣詩集

抵南安

到此家鄉近一時懷抱開灘隨山勢盡人逐雁聲來回首
西湖隔關心白髮催明朝過大庾應見嶺頭梅

朱廣川字松谿嘉興人乾隆己酉舉人官邵武同知有
政和堂遺藁

西塞

岩堯勢接建昌城江表興亡此戰爭當日南徐通北伐他

年西晉罷東征白衣感歎功何在青蓋謠言兆已成會獵
不聯脣齒助無緣歸命俟烏程

滄湖山寺

飛泉百道下寒空路轉山迴境不同古寺白雲人迹外疏
林黃葉磬聲中煙銷東嶺秋經兩日隱南湖夜起風暫叩
禪關深竹裏靜聽仙梵卧花宮

曹應穀字似之號式堂又號也農嘉善人乾隆己酉舉
人歷官永叙同知改定海教諭有寶笏山房集

感懷雜詩

涼月忽在牖曉風時啟扉草深螢火滅林靜蟬聲微仰看
山容瘦落葉上我衣萬物各有託盈虛理不違班姬苦離
別團扇情因依人生貴行樂吾道未爲非

中年多哀樂頓失強記力手披書萬函心游天八極掩卷
輒健忘開編疑舊識束髮受六經如石銘胸臆儒冠來誤
人草草事塗飾歲月坐銷磨性靈半薄蝕恨不化蠹魚神
仙字三食捫心悔已遲名者學之賊

放言

湖海平生志蹉跎二十年神鯤秋試水雄劍夜摩天少達
眞非福奇窮乃益堅健兒莫相笑老將半幽燕

邵希曾字魯齋號角雲仁和人乾隆己酉舉人官桐柏
知縣有松鳧室吟草

閱從孫懿辰童試諸藝斐然可觀率成志喜用坡公
賀子由生孫斗老韻兼以勗之

畏景苦炎蒸風亭思櫛沐佳文來穉孫急披若新浴老眼

忽一明細書耐三復理法頗愜心精神亦滿腹山公曰馨
兒韓門數高足出語驚長老翹秀動凡目不作巨川舟定
是豐年玉念昔爾高曾德累膏加沃莫學癡伯翁官同魚
上竹業精無過勤學優端在熟積書如積金能使要能讀
勿局管中窺當穿垣外矚麟角果然成鼇頭不難卜吾宗
久未振汝志毋待督

答友

悔讀司空城旦書廿年中土卜行居栽花瘠壤知無色採
藥空山意有餘鴻雪因緣原偶爾雞蟲得失究何如打包
輟講都前定一任浮雲過太虛

勿謂因依入世深瓶城嘗守昔賢箴素無炙轂雕龍舌兼
少恩牛怨李心無事更悲於厭事翔林行復自歸林吳儂

生長湖山曲肯忘吞光飲綠吟

秋學禮字立亭浙江山陰人乾隆己酉舉人官秀水訓

導有補齋集

詩話立亭熟儀禮嘗刪節經文以授學子首尾貫串能舉其要

望雪

連夜朔風勁滿庭殘葉翻萬山都削玉一鶴尙當門沙遠
若無岸樓高知有村愧非梁苑筆相對且傾尊

彭菴字戴五號海觀南城人乾隆己酉舉人官廣信訓
導有漁瀾集

題新扇

相別又相逢相別不相顧年年悵離別棄予在中路其舊
不如新其新終成故回憶棄舊情作此迎新句

胡昌基字星祿號雲佇平湖人乾隆己酉副貢有石瀨

山房詩集

詩話雲佇博綜經史尤工詩文嘗繼沈客子櫛李詩繫輯康熙後至嘉慶初詩爲續編與二子金題瘦山金勝東井昕夕搜討二子皆前卒雲佇喪明幾不能成書晚年自愈乃編次爲三十九卷未及付刻其從曾孫敬堂謹藏之咸豐庚申秋方曝書寇驟至敬堂挾書出墮於水方撥拾掩護遇寇殉焉亂定敬堂子廣熙獨抱遺書至宣統間邑人士始贖資付刻折爲四十卷雲佇父子纂輯之勞敬堂父子保守之功幸不淹沒云

泉南十柳田家圖

占得幽居泖一灣門前垂柳綠陰環晚潮過後桔槔靜坐聽蟬聲出樹間

白板雙扉黃土牆場開碌碡午風涼故人有約來相訪家在珠溪第幾莊

蓋方泌字季源又字春舫號碧軒蒲臺人乾隆己酉拔

貢歷官臺灣知府有春舫詩鈔

詩話春舫官陝西攝商州州同駐龍駒砦張漢潮擁眾來攻以鄉兵禦之屢破賊以是有聲於時擢守成都仍督鄉兵屯川陝道上賊至輒引避憂去復起守臺灣彰義饑捕劫者七十人置之法天乃雨民呼爲太守雨蓋卓然循吏也

雜詩

素位行吾願富貴甯可期世有要路津比肩走奔隨一旦
致披猖羣小更詆訾勢在則交合時去則情離速登者易
顛徐進者少危豈惟關人事天道恆如茲思之已爛熟熱
官未可爲

士須志經綸學乃有所託讀古聖賢書非以資醜博利器
資世用遇事解盤錯處士盜虛聲垂紳縶好爵勿爲旁人

噴若輩束高閣

樹木憂其蠹保民除其賊賊足爲民害蠹生木不植治道有主術厥惟司牧職痼瘵切中懷不以文貌飾如苗之有莠鋤必翦其慝

鷓鴣巢一枝翩翩意自如翳蒼蒙龍間游集亦有徒毛弗施器用肉不登庖廚行不避婚繒止不羅罍學翰羽卑且飛背距形不殊飲啄隨俯仰與世更無須人生溫飽外汲汲求贏餘

樹黍不獲稷樹怨無報德福先不可爲禍始豈有極山生金自攻樹生蟲自食甘泉必先竭直木必先賊碌碌者如玉落落者如石高名易招尤眾口滋毀積

萬物如蝸翼恣睢恆多尤茅茨安華屋緼袍麗袞裘寒泉

旨醜醜藜藿逾珍羞維彼象有齒乃致焚身憂維彼雉有尾乃中犧性求金谷尙奢侈終爲奴輩謀

輪人斲輪說得心與應手甘苦疾徐間不能宣諸口運斤忽成風妙術得未有悟超規矩外法非繩墨守斯言可喻大微旨契莊叟

秋水集行潦奔流積石間望之無厓渚河伯顧欣然東行遇海若乃始望洋歎江漢共朝宗翁受納百川挹注無盈科虛涵大地寬區區拘墟見蠡測知其難

山雷可穿石井綆可斷幹漸靡使之然由來非一旦悟茲損益理道揆有同貫積德日以明積慝日以暗寸陰當是惜勿生玩愒歎

蟻穴蛄泉脈老馬知迷途陋茲凡物質靈異著其殊世人

詔自用膠固如守株千慮而一得乃或在愚夫其道惟先
民下詢堯與芻聖人取眾智善謀審幾初

黎簡字簡民一字未裁號二樵順德人乾隆己酉拔貢

有五百四峯草堂詩鈔

洪北江曰黎明經詩如怒猊飲澗激電搜林張南
山曰二樵喜讀莊子詩亦多用莊子有句云老生所
讀書南華性之適又好奇以七古論之有清奇者如
湖上秋光闊無著約束結成明月圓有瑰奇者如黃昏
色抱人不見人人乃聲出刀中央有幽奇者如長狐嘯
碧火行木客陰洞雄狐拜金馬有幽奇者如長狐嘯
血成碧苔一絲冷夢尋不回語皆匪夷所思符南
樵曰二樵書畫冠時為詩生峭結澀少陵所謂語不
驚人死不休也

詩話二樵生長南甯弱冠歸里李南澗勸之出試以
擬昌黎石鼎聯句見知學使李雨村後膺選拔未赴
廷試生平足跡不踰嶺詩名滿海內嶺南作者屈陳
之後允為大家其論詩進秋谷而退煥洋於同時惟
稱黃仲則題其集云或言君厄才僅得樵與班君才
掩萬象樵也小點頑類感儻雲龍天授殊易艱蓋皆

獨往獨來不屑依傍門戶若溯其
得力所在於杜陵昌谷兩家爲多

鼓湧灘

是灘又名痘灘舟師
云吟喝則盤渦起

舟人輕風波至此慘不語脈脈奔長江畏色自太古上舟
鈍若石下舟猛於弩盤渦入地叫聲過十里許北風吹木
葉神氣棲破宇孤猿鳴空山漠漠日色苦西江三百灘是
已一二數昔覩李尙書鑿徑濟行旅慘淡石見血無乃蛟
龍怒惜哉水不尺勞深力無補我生固習坎何如此深阻
危襟坐如夷洞然見肝腑

龍門灘

西江幾千里有力使倒流獮石張厥角直欲礪我舟竹纜
如枯藤裊裊山上頭失勢儻一落萬鈞亦浮漚潯州兩江
水其北導柳州上逼銅鼓灘下握相思洲龍門在其中神

物居其幽往往一夕泊曉不辨馬牛龍堂洞壑夜搖天雲
雨秋繫予屢經歷不爲風波愁肅然慎前途毋爲二人憂
望仙坡最高樓

在眼山川故國情崑崙寒翠古邕城短長道路供離別少
壯交游半死生雲色黃茅秋瘴盡沙光碧玉暮江清平安
郡邑南征後偶問途人不說兵

邕州城樓

歸心東與急流爭又見飛帆西去程知有年華在前路可
教人事但長征雲移日影流山色風挾江濤入雨聲此是
吾鄉好時節水村茅屋罷春耕

畫鷹

別東道主人主人請題詩示客

老樹秋落日古牆風滿原蒼然眉睫動誰以羽毛論有想

終能去無羣亦忘尊他時燕雀上酸目見飛翻

春郊

桃花藉芳草白馬山花嘶初鳥聲猶澀春人年並齊含思
各深淺同里異東西相見不相問青山畏日低

寄黃藥樵

牆頭暮鴉飛不起鴉背松聲冷於水如山北風壓破屋拍
枕大江浮兩耳窗竹偃蹇欲折櫺急雨落瓦寒有稜飢鶻
嚙嚙狀嘯鬼紙窗琅琅如裂冰風頭愈大雨點重松子踰
時尙跳動鐙危在壁寒不明心戰如波靜還湧我憶滇山
西遠征冰天苦月寒崢嶸兩奴爭被靜一閑獨馬戀人悲
自鳴身勞歸惜妻孥苦裘敝倏驚年歲更煌煌肥馬從朋
友跼跼飛鳶閱死死生還喜爾情過絕以病示人無病骨

明日梳頭視青鏡
今夕苦吟得白髮
莫思廣廈庇眾寒
少陵詩翁古迂拙

橫江詞

橫江渡頭江水藍
東風旗影落澄潭
人生莫作橫江吏
日日江頭數別帆

荊州歌送客

鷓鴣聲裏夢黃陵
眇莽南浮記得曾
獨憶劉郎古臺上
西風吹草晚呼鷹

刀歌

粵西得刀鐵雲南
治刀裝廣東買鯨胎
鍛者閩兒良邕州
王郎昔所贈謂我深
入宜提防貂尾大帽
峻耳馬送我曰
之黔貴陽是時行者
在道旁視我氣色飛
邊霜黔山濛濛

四時雨雲氣竟月蒙衣裳深林絕谷黑路滑伐木取道排
樛芒走匿已跼一腳鬼叫嘯曾肉雙女狼醜苗自恃好身
手大環漆鞘三尺強蠻奴赤眼肉魄礪使與一試逞所長
陰風冷漂雨雪練白日緊繞雙虹梁刀色抱人不見人人
乃聲出刀中央千匝不放一喝止既止眼眩猶飛揚拱手
作禮俯首視視彼刀刃成鋸鋸凌朝打門語詰曲牛肉白
酒慚跪將自從護身還故鄉不以凶器驚殊方幾年魂夢
妥故屋一隙風雨懸高牆幽澠澠試拂拭腥蘚古血交
蒼黃搗巢已絕金川羌山東獻俘繫名王武庫青紫弢其
光龍虎夜氣成吉祥東流湯湯粵海水蛟龍中怒風濤狂
沈之千年無再揚神物自合山澤藏我去采藥騎仙羊

秋寄

山莊雜言卷一百一
十七
向曉秋雲飛雲飛人欲歸黃葉夜來下青山行處非新寒
警薄袖小怨託鳴機莫以風塵色能污蘿薜衣

水簾洞

千百石疊逆匯此一簾水清寒先迎人去此尙一里懸雪
薄不破奮雷伏難起靜極入山客雲水勞未已想見洪荒
來忿湧遂至此崖藤老盡力石樹凍半死棉裘凜稜鐵骨
戰及吾齒投喧出陽阿回顏有生理

予嘗作羅浮觀日圖贈周道士今日忽欲復作此圖
寄何徵士勤良爲先作詩寄之

羅浮欲雨天突兀暮雲晚山辨不得不知一夜雲化水洗
出東南半天碧二樵山父黃葛衣踏曉獨開山上扉夢然
冥海萬里黑中有滄涼紅百圍赤明道士亦好奇獨愛此

景請畫之畫之別我向南去衡岳洞庭行挈隨此人今已
雲水杳此景恐爲人世知我亦出山忘誓辭畫亦彷彿不
可追可憐牛馬走塵土更復身心傷別離何郎昔訪我對
我終日坐歸去橘柚鄉別我一載長秋風幾日吹綠草盡
捲江聲入懷抱心尙波濤定後驚身向朋儕最先老榮名
願及飢時貴絕技原非死前寶昔寄畫一紙畫山不畫水
今乃更一端畫水不畫山要令碧海洶湧日破爾粉壁青
苔間於陵先生夢葵食夢亦傷廉心不安何如對此飽亦
得不飽可質飽可還苦心作詩乃無益君不見杜陵野老
不得食

江亭寄羅海韜

大江前橫月色凍今古蒼涼氣如夢寒亭一夜波浪急千

里清光爲誰送君昔失意方壯年石潭秋風無釣船石潭
居白波紅樹使人惜黑水黃茅空自憐廿載悲歌走蠻道
半梳秋髮成詩老枕邊鄉夢出三江江聲雨聲共懷抱眠
時雨低眠不長曉來路滑行復傷傷心念我同游子遠別
七年滄海旁君今憶我舊多病我昔比君今更狂出門乞
米入門笑宅邊柳樹花如霜風吹柳花雲撲香東飛西飛
不著地落處還著我衣裳

浴日亭

海曉雲壓水上有山壓雲晨颺轉敝帆萬嶺懸空奔夜約
弄曙曦睡起已半晨孤峯抱萬木昨葉媚古皴暄色炙亭
瓦綠蘚含日痕枉步就陰磴免局虎豹蹲連山湧蒼濤西
北赴海門指顧不敢走對立勒兩軍東南剗之平坦掌八

絕垠地勢萬里上蓄此一阜尊他山互爭雄不得當要津
西脊疊後嶂檐角日易昏迴光蕩東溟呼吸陰火焚日出
與日入同奇乃殊聞我來晚孤賞庶與識者言呂生古狂
士才力大負掀題詩感神靈雲旗颯風翻鞞作銅鼓鳴海
山相輦軒倏與林巒辭忽繼生死論北海桐棺深南海棗
刻存

李南澗題廟云法物
將軍鼓鴻文刺史碑

風雨蕪廊寒恐有碑陰魂

南海神廟懷亡友李南澗

海日入殿光瓏璵翻波盪日飛赤虹繞楹抱棟不得住蛟
螭四走光熊熊袞衣流雲月滿容心約一寸肅萬松晦明
雲霧寒斂面如有神物循人踪鉤瘦大叩鳴綠銅十仞殿
壁鞞鞞空徘徊外視白一氣海色直入陰晴中甯知萬年
黑波底猶有法物羈求雄雨檐風廊建文石刺史一版墨

蘇濃昂藏古貌如老翁其餘高卑若兒童摩挲未有甌槌
從掌至汗石不可通忽來感逝憂叢叢大雲山人出山東
南來碑版搜塌盡是地昔曾來此公嗚呼遺墨近未脫湘
灘魂魄棲何峯昔聞一鼓走滄海滄海陵谷重相逢焉能
招魂致鬼友起爾靈氣尋靈宮文魚青蚪足水國霞衣霓
裳朝海宗髯乎揮手入浩蕩神與遊戲於無窮送之颯去
遂千古出入侍從雙虹龍蓮花師子山色晚頽景千里層
波紅翕然光斂水氣上顧眎衣帶寒有風茲游忽感生死
別此生恐以多情終

寄陸徵君貫夫

紹會

白下煙波畫裏船朱方梅雪夢中天士龍寶是鸞凰子帝
虎虛糜犬馬年敲器周銘通欵識追魂唐版藉煤氈何當

遠道儲丹碧風雨松陵對榻眠

南海神廟觀龍取師子洋

木棉花如赤城赤花外元雲鐵爲壁中有崢嶸雪山白內

洋水立天柱直

黑雲下垂水兀上如冰山奇觀也

欲作波濤無暇力九閩

虎豹萬騎隨二儀虛空一聲塞羲和張馭日濡軌雨師無
權水雹石聖人御天神物馴安堵萬族噓吸勻天池不擾
北冥翼龍勢直朝南海神已飫鴻濛翻覆重不大聲色陰
陽分雲中猶垂尾百丈阿那欲上不得上有如天帝曳塵
拂雨腳如絲出仙掌忽然竟入雲切平一雨天下三日晴
百川得之皆倍盈乃知江海下以益龍屈神淵螻一尺二
物相需乃謙德

秋眺

暮色萬物淺海山秋遂深蛟寒依石窟樓迴出村林歎逝
驚生意蠲情費道心西風汝須惜疎鬢詎能任

春泛詞

見柳猶思古朗甯

卽今甯甯府唐之邕州

江邊風絮攪離亭天西昨

夜崑崙雨綠得牂牁幾點萍

生涯

天供煙景地供花筆有溪山生有涯隨事詩篇作年譜不
知言語屬公家笑看蠻觸爭蝸角愁裊羲和走日車獨立
滔滔問江水爲誰東去積塵沙

客舍

示疾毘耶乞鉢空眾香飢歲術須窮多文世有嘲揚子三
絕吾方笑鄭公地藜蘚雲隨意雨衣香花露過情風梅三

近日嫌歐九故稱詩乃爾工

同楊明府擬作登端州東門浮屠詩

南出福字堂東赴豐樂隄馬首立突兀陰到龜峯西初若
入地窟將次盤天梯仰高眼酸黑忍凍南霧迷蝸螺漸逼
窄頂踵相攀躋浩然諸天寬始見千峯低牂牁五千里蠕
蠕懸白霓蒼梧一點煙崑崙但丸泥西風中原外秋色來
萋萋寒峽東百粵其下巢蛟鯢何年倚天劍一劃分溝蹊
遂令萬古流忿怒爭排擠大地莽牢落半空留笑哢迢迢
後人心境在感亦齊

寄周編修書舍

狂簡疎狂也自容自矜柔翰勁於風一時脫帽傳張旭直
以橫刀揖董公甘製短衣看射虎誤操長技事雕蟲不知

骨相南天外到得瀛洲北夢中

題奚徵君墨梅爲邱少尹並寄懷奚君

周

梅花消息天地靜夜氣空寒逼清醒花光月白地如雪亦
恐同行踏人影村中花事幾年闕天涯畫筆何人騁飽聽
奚生致通素也似梅花絕孤穎秋雲稜厲日爭力閣雨堅
凝土交迸淒然置我鐵橋上皎月正壓飛瀑頂想當邃古
無人處有此幽光貫骨冷似恐仙人太寒瘦轉憐春女媚
桃杏雙漿綠波橫水渡一抹未霞暮山景終嫌多麗工世
情不如獨行抱深省題詩寄遠慰海角

邱君同知南澳懷人驟雨

響天井是時秋氣動澤國涼風西湖皺千頃樵夫未歸花
裏屋先役吟魂度梅嶺奚生應感露下衫獨擢湖陰返荷

艇

作詩時七月廿四日熱甚二更大雨蕭蕭秋風已滿衣袂故並及之

夕望

樹杪寫金碧遠村收夕陽天青爲嶽色沙白亦湖光他日
蘭臺意孤風夢澤涼東南皆水國揚越一茫茫

種榕

嶺海多大榕大者逾十畝下疑雲雷屯上有日月古菩提
得根柯社櫟資液乳不祥與其壽有畏莫予侮鬼庭黑張
幔叢祠冷燃炬神鴉暮查查望雲叫風雨風雨夜窈冥以
膏此鄉土往往原上屋中夕咤田父浩然山海靈集以煙
霧語曉來邈無跡但見青廡廡南俗好奇怪曰是神洞府
沈沈羃煙靄咄咄隱鐘鼓今年於廟瓦西指斲一股村人
目瞠瞠怖畏舌爲吐明晨猿猴杙倒插我溪澗榕以側插
易長大
十日雨霖霖小甲初破黍十年水深黑大庇若縣寓春村

二三月疏花澹容與垂陰賦膠木拾翠有游女清夏宜老
夫肺病枕風渚調調聽竿籟潑潑得魴鯽無由附魍魅足
以障炎暑忽憶壅腫友香山老主簿嗜石昔米黻愛竹今
鄭盩主簿之衙齋榕根作門戶香山縣主簿馬君有臨號
用泉貧而好古齋頭羅致
古物摩挲忘飢嘗索子一詩未有以應於此偶及之遂以
寄馬君也世傳鄭谷口好竹凡玩好多以竹爲之必銘
以八分復自刻之

寒鴉

寒鴉畏影避不得天地并作秋水色浩浩煙霜千里高亭
亭三點兩點黑汝自哀鳴夜長極俯視嚴城深闕寂我自
竦肩鶴一隻苦吟呶呶雜歎息勸君雙眼清迴碧耐此孤
月凌厲白莫宿高樓最高柳主人已爲路旁客花房春風
吹舞衫舊燕新人不相識窮檐凍雀爾所見一瞬空倉不

得食何如入我香苑樹，盍飯慈烏共朝夕。嗚呼汝鴉無肝
膈，昨夜淒涼今不憶。西風刺骨一萬丈，南枝微命幾寸翼。
答周生見寄

入村宜朝暮，開關卽平迴。雨光映山色，意與碧草靜。江帆
溼不飽，水鳥獨更永。溪魚漲後亂，波苻風餘整。天涼返物
態，慮澹出妙領。故人窅藩府，示疾得眞境。有適皆見新，無
礙詎知屏。浩然江湖心，遠接煙水冷。吾當披蘿衣，君指浮
瓠艇。

送劉明經香谷

世馨

教諭清遠兼懷何明府數峯

青

小樓苦節以詩昌

劉母謝太孺人
有小樓吟藁

他日分羹有母嘗，士貴

及時爲孝子，我今垂老貢蠻鄉。一官齒漱冰壺冷，三峽眠
浮雪夢涼。更愛神山藐姑射，仙郎冰雪製衣裳。

寒江

朔風吹昏鴉查查飛復集西日東流水無語各自急仰面
碎柯舟決背一鳥入暮色莽浮浮人煙靜浥浥四時轉兩
鬢萬感赴獨立路人見吾老來者非我及西山古時青今
朝吾拄頰

觀水知西漲必盛作

西潦將盛時水氣涼朝晚諸山泛寸碧散若齒初颯雲染
黃泥平海攢赤岳空我懷邕州居飛檐俯江楯江中砥巨
石團此千里忿聲驕溢地贖勢橫去聲浮天轉夜夜西北極
掃霹靂雷雨奮雲歎黑磐車電掣陰火鞠方增眼浩浩何處
淚泯泯兒時所習見往往亟三板江樓歛張動下若戰蛟
蜃崖崩駭剝膚舍避走絕臙牛馬安可辨渚涘無有眵長

蝮作霧游高鷲折風抃郡國坐眨眼鄉路無遠近轉愁水

角壯

祥柯漲時諸灘皆失而水角險甚

誰喜灘面盡大象迴懸河哀旣激

壤堰崢嶸黔滇巔濫觴始誰引端州搯東吭倒吸西勢緊
石門東相雄峽山岌欲偃並力趨峽外始殺得平遠有如
萬里行開襟解勞軫廿年廣州住住久神魄穩他時遠游
歸牀席水石股險夢入險坎虛舟擲虛牝今無滑吾和亦
不嘉我遜懶非媚川蚪飽類飲河鼉去年畚早田求益反
以損播種既數畝撈穀不盈租今年租也無眠食學蠶蠹
乾沒母訓數涇灰妻爨謹佐飯魚龍羹白小煮醢筍門前
水離傍竹勒骨可憶遙知蘆村闊自見茅屋隱漁歌深未
出剡櫂行屢返斯人不沈浮窮年因曼衍且將鳧翁盟恐
被達者晒

友人送西樵無葉井泉

璇源不湯湯靜貯岳色綠君汲一尺天範此滿盎玉清碧
凝堅光瑩若不可弔以指試一染寒稜屬相觸頗疑邢州
砂礪之未滑熟我憶山上井井上翳喬木木葉到井口水
氣鼓井腹水力重浮蕩葉勢輕感縮此以得異名生是天
使獨猿狖顧其影秋淨月肅肅一聲哀入雲眾樹凍盡禿
惟彼外不入浩然者內足使之出山流至海不肯濁樵夫
嗜茗飲瘠氣伐我肉茲泉格茲理踵息不違復吾當揮參
苓就此課僮僕養親盡吾年歸矣結茅屋

眾香亭餞梅歌

空山無人置古琴冷風七絃吹玉音更誰知此靜者妙而
我窈見天之心天心道心并詩心歸日梅花初照林土牆

缺處白漠漠酒杯天象情深深老樵於此不飲醉幙天席
地一月睡大光明出正法眼極嚴厲通古和氣炯然亦自
見吾真吾方喪我能語人鳥嘯夢斷人間世月地雲階天
上春迢遙明月別千里送遠登山又臨水陰寒風雨生莓
苔慘淡菁華寄桃李

趙德懋字荆園蘭山人乾隆己酉拔貢歷官大理知府
有妙香齋詩集

晚至坊前村

望裏一孤樓依稀認舊游雲霞迷遠樹風露接清秋入室
人何在會同易彥二姪讀書於此今皆云亡臨溪水自流挑鐙宵不寐蟲語
助悲秋

畫卦臺懷古

漢相屯兵處荒涼畫卦臺河聲從北轉山色自西來上下
乾坤定陰陽日月開指揮通八陣遺跡沒蒼苔

張其祿號萼湖沅江人乾隆己酉拔貢官凌雲知縣有
怡雲詩草

舟中對雨

五兩風微百丈牽蒼茫雲樹遠連天波搖新綠初添漲柳
柴微黃半墜煙隔岸屢聞津吏鼓沿江誰訪孝廉船三杯
輒飽渾無事欸乃聲中自在眠

村暮卽景

行到山平處停輿已夕陽村春喧水碓獵火炊茅岡酒店
關門早山庖煮菜香搯筇看暝色煙樹鬱蒼蒼

尤維雄字祖望長洲人乾隆己酉拔貢官蒙自知縣有

二娛小廬詩鈔

同謝薊泉飲鐵門酒樓醉後賦贈

嫉惡心猶在休官道乃光舉朝憐汲黯當路避張綱乞食
游吳市行吟類楚狂酒酣歌一曲音節恐悲涼

舟夜

日午火繖張水沸氣如炙涼風解迎秋妙意得清夜灘聲
過枕函百里才一瀉須臾就平夷柔艣聲未罷篷窗三板
輕黃篋縛低架稚兒走踈踈強欲出其罅水中雲葉鮮流
影忽西射妻孥坐兩頭明月滿裙衩微生狎舟楫風水免
驚怕何況不失家白公語堪借

辰溪

秀絕辰溪縣岡巒列市闐流分九江水郭繞五城山大酉

能探策丹砂好駐顏
繕完應有術烽火近諸蠻

寄唐陶山明府

我生出處逢軾軻交游落落晨星羅平生師友勞記憶
屈指獨數湘南多豕宰劉公能愛士禮曹謝客吾知已同
官近復得蕭郎恰與唐侯成四美唐侯靜者意有餘長安
數載淹公車安仁竟作栽花縣文舉嘗爲薦士書當時同
是諸侯客楚尾吳頭遠相隔邂逅相逢眼更青蹉跎拙宦
頭俱白九日清歌戲馬臺徐州幕府同追陪君愁車馬行
隄困我苦文書滿案堆去住因緣無定在鴻泥雪爪隨年
改已留明月照吳天忽送孤雲落滇海臨別多君贈別篇
行厨還頓石湖船公榮不飲情深矣中叔羈游意惘然一
載炎荒營薄祿此身已飽蠻煙毒自別江南不可聞蕭蕭

暮雨吳娘曲請急行當返里門故園松菊愴離魂衰親弱
弟知無恙歲晚猶煩一致存

江甯邢園春讌詩

青溪笛步富笙歌幾輩詞人載酒過自昔江山春夢短至
今文采寓公多樓臺到眼皆雲氣耆舊關心有逝波不審
隨園舊游處林花魚鳥近如何

熊攀龍字步雲號小橋畢節人乾隆己酉拔貢候選州
學正有小橋吟藁

德溝春暮

雙雙紫燕掠江飛一路呢喃入翠幃報道落紅春不管東
風吹過釣魚磯

青谿江上

湖海倦游客嚴冬寂寞歸白沙洲尾闊黃葉樹頭稀洞古
藤懸幔巖寒草結衣青谿流水急時湧雪花飛

孫蔚字守荃鄞縣人乾隆己酉拔貢有逸雲居士詩編
屠臆園家觀張忠烈公像次前韻

日沒崦嵫後倥傯奮浙東單身扶弱主廿載守孤忠建國
鯨波裏逃生狄穴中南屏遺骨在尺土仰英風

同人約觀錢忠節公像余不果往次前韻弔之

公名肅樂

芍泚鍾人傑殘陽欲返東江南傳吏治海外竭臣忠灑涕
封章內忘身戰艦中

公從魯王浮海卒於舟中

心符黃蘗苦

公葬於福清黃蘗山

沙草捲秋風

黃鉞字左田當塗人乾隆庚戌進士官至戶部尙書贈
太子太保諡勤敏有壹齋集

詩話勤敏詩筆意雄肆於韓蘇爲近五古
亦清越可傳世人喜其書與畫遂掩詩名

乘月過古香精舍訪蕭琴客不遇

秋風吹明月清光羅幽林冷然下寒露不覺滋蘭襟隄高
湖水縮葉落谿橋深短籬足黃花入門多清陰眞侶具茶
果趺坐同酌斟鑪煙出雲房古壁懸素琴孤雲何處飛苔
砌空行吟撫景送征雁遙憶山水音

同友園初秋夜坐

庭蕉冒檐舒樓禽團竹聚秋氣集蕭齋空濛散飛雨颯至
衣仁涼灑地點可數幽人居比鄰修夜杖頻拄檠燭代涼
蟾山茶敵醇醪孤賞寡所歡長言易爲苦露葵實已繁寒
瓜藤欲颯候蟲不爲秋空階何獨語

題洪編修亮吉同年機聲鐙影圖

我生才五年先君卽棄世十齡慈母亡嫂亦相隨逝寄生
於外家六載若瘤贅憶初母在堂我年八九歲能作方丈
書願我獎且勵謂可讀父書往往顏爲霽夜窗鍼黹餘課
我兄及弟一去四十年此境永潛翳覽圖觸我悲曩事何
若契君才班馬傳君孝曾閱繼機聲鐙影中一憶一流涕
圖之至再三魚菽以時祭伊予本孤陋附君得登第自慚
還自過親骨猶未瘞行當歸焚黃已作終焉計薄耕卽無
田敢負墓前誓江水寒未波江梅香尙細我歸君儻來相
思定應嚏

十一月九日子卿招飲湖亭爲消寒第一集

放浪閒身又一年溪山好處日周旋寒猶未峭交初九月
已分明過上弦盧橘花繁香太冽紅梅枝老影逾妍行吟

卻笑天隨子奄有吳松賦自憐

七月五日移寓準提庵用田山薑移居韻

韋郎避漏眠于車

謂赤城

王生屋裏頻移家我居牆壞僕幾

歷舉室奔竄如驚鷹有庵巷北舊棲息踏鼓兩度趨朝衙
急移書簾召橘尤不憚行步爲敲斜

時病足

眼明階前兩椿

樹在昔屋後當梅花

梅花樹下僧廬
昨寓前舍額

芟夷敗葉聽好鳥掃

除四壁供塗鴉詰朝七夕納二客

抱村子卿

庵門月好須當擲

仰天一笑席衣瓦補漏奚必煩皇媪

時京師屋漏者
多以席覆之

山氣

山氣夜沈郭蒼茫曉未收寒風來絕塞入夏尙重裘盤馬
雪千里射雕天盡頭平生極飛動惜不壯時游

廣武

天險扼重山時清耕鑿間腥風虎飲澗寒月雁橫關畫角穿雲出驚沙點鬢斑明朝馳絕漠誰遣大黃鸞

六月晦日劉吉士

師陸

招余偕祁編修

篤藻

田吉士

嵩年

何孝廉

耿繩

崇效寺納涼次去年看牡丹韻

都門涼宇多歸僧與僧結夏夫誰能久思古寺暫消暑恰來嘉約歡然與山門綠暗樹如幄竹院紅溼花交媵頓遣平頭罷搖扇儼離裸壤思垂繒自從五月苦炎熱如坐深甌遭炊烝有時入夜大靄電疾風猛雨相憑陵朝來蘊隆略如昨日極禪閣無由登何期四子有同契合并令我煩懷激惟餘知舉留憾事獨遺表聖慙王凝

今春主禮闈劉田皆登第獨失

耿繩牡丹作花事已往楸葉又落情難勝

是日浮生小聚類

萍梗流光過眼如風鐙夏涼寒燠眾所願造物伊誰云愛

憎浮瓜折藕且取適褊穢觸熱宜爲懲試披畫卷問朴老
幾人來此招涼會

寺僧藏盤山朴公青松紅杏卷子國初漁洋竹垞諸老題者不下百餘人

園居漫興

池柳含煙色尙輕園居修已過清明巢成樹罅芻尼隱水
暎橋陰科斗行退直嬾從閒客話答書老忘後生名龍鍾
枉被青山笑縱有田歸不耐耕

卧佛寺

殘月澹無影雞鳴天欲曙深谷藏招提一徑入雲路古柏
森兩行清香發朝露我佛疲清梁頗識卧中趣應憐塵世
勞半爲黃梁誤風旛裊鱸煙散入杪樾樹

蔣祥墀字丹林天門人乾隆庚戌進士改庶吉士授編
修歷官左都御史

詩話故事新進士釋褐謁祭酒坐受其拜且誠不得
動謂首動不利狀頭左右手動不利榜探相傳如是
不知所自始也丹林官祭酒適其子笙陔修撰登第
有朝士贈以詩曰回憶趨庭學禮時國恩家慶喜難
支阿翁不敢掀髯笑怪底耶
君拜起遲亦一時盛事也

望衡圖爲熊兩溟題

先生飽讀書五車磊落胸藏天地廬詩筆縱橫一萬里山
川覽勝神蘧蘧講學武昌十五秋閒來攜酒登南樓二別
中峯盡在目直欲濯足江漢流憑欄不盡登臨樂還向樓
頭抱衡岳洞庭波濤思渺然十二青螺自卓犖惜不得平
叔紫金丹遙躔朱鳥控黃鶴又不得長房縮地方移取湘
帆九面置之几視角何物丹青工描摹爲君寫作望衡圖
足踏芒鞋首戴笠一童抱琴來于于捫星未觀意氣壯開
雲已覺精誠孚指點層巒插天出雁聲幾陣飛過無岫嶺

禹碑掃蘚讀石青字亦多模糊
場來歸訂游山草眼界何
止空蓬壺愧我卅年老京洛
儻居久被塵網絡一覽此圖
神欲飛願與同訂尋山約

錢福胙字爾受號雲巖嘉興人
乾隆庚戌進士改庶吉士授
編修歷官侍讀學士有竹房遺詩

寶鏡詞

塵封寶鏡光輝歇一片浮雲
滓明月細調鉛汞試重措輕
痕轉眼隨風沒朝來啟視無
纖瑕當窗照見顏如花祇憐
豔質易衰朽青銅伴影辜韶
華吁嗟乎青銅拂拭光仍在
韶華一去時難再

秋柳

歲歲紅亭送別筵千條齊映碧
雲天曲江今日重回首只

有寒鴉與暮蟬

十二月廿四日立春有懷漁莊漆林兩兄京師

昨夜東風生綺陌朝來綵燕簪輕幘人間可樂又逢春日
下還憐未歸客青旗繅會闋燕郊黃羅蹀躞翻雲翹夕陽
鞍馬忽四散寒鐙相對風蕭蕭憶昔楊盤會食時堂中白
玉傳青絲三年兩地縈夢寐一尊千里同愁思折梅遠寄
何人將仰天但見羣鴻翔人生安得如汝樂飛鳴到處皆
成行

夏日偶成

百年老樹對深廬綠意方濃畫不如檐鴿有聲將哺候林
蟬無力試鳴初日長差喜添兒課性懶生憎答客書一枕
故園清夢熟起來斜照滿庭除

水車

攜來龍骨事西疇蓄溉兼宜製特優漉漉蟠旋同轉軸聲
聲雅軋等鳴轉回頭忽益千陂水著腳如乘萬里流雨我
功成秋色晚卻連犖确枕沙洲

澗口題壁

策蹇重循使驛程薄寒天氣怯吟情行來太似鬪牛跡卧
後那堪聞雁聲酒罷深杯非澹泊鐙留暗蕊不分明愁人
一夜渾無寐贏得霜髭三兩莖

石韞玉字執如號琢堂一號竹堂居士吳縣人乾隆庚
戌一甲一名進士授修撰歷官山東按察使罷復授

編修有獨學廬集

詩話琢堂詩體清華閒麗玉堂之秀嘗作
論書絕句三十首導源正謬持論甚高

山塘種花人歌

江南三月花如煙，菰花人家花裏眠。翠竹織籬門一扇，紅
裘入市花雙鬢。山家築舍環山寺，一角青山藏寺裏。試劍
陂前石髮青，談經臺下巖花紫。花田種花號花農，春蘭秋
菊羅千叢。黃瓷斗中沙的皜，白石盆裏山玲瓏。山農購花
尙奇，種種奇花盛篋籠。貝多羅樹傳天竺，優鉢曇花出
蠻洞。司花有女賣花郎，干錢一花花價昂。錫花乞得先生
冊，醫花世傳不死方。雙雙夫婦花房宿，修成花史花陰讀。
松下新泥種菊秧，月中豔服栽鶯粟。花下老人號花隱，愛
花真以花爲命。譜藥年年改舊名，菰蘭月月頒新令。桃花
水暎泛清波，載花之舟輕如梭。山日未上張青蓋，湖雨欲
來披綠蓑。城中富人好游冶，年年載酒行花下。青衫白帽

少年郎看花不是種花者

石尤歌

石尤石尤爾將令人勿遠游奈何阻我江上之歸舟江風
獵獵吹不已懸旌搖搖西北指江風西北吹江水東南流
儂家遙在胥水頭歸塗阻且修對面之舟疾于矢行者歡
喜守者愁石尤風不休令我生煩憂

夜過峯山四闢

路出峯山麓蒼茫夜色昏微雲常礙月疎樹不成村馬蹟
穿林杪河聲迸闢門文襄遺愛遠輿誦至今存

岳陽樓

蕭蕭木落繫蘭舟遙指君山似髻浮孤雁一聲天在水斜
陽千里客登樓魚龍浪靜滄江晚橘柚霜寒白屋秋生過

聖明全盛日江湖廊廟爾無憂

湘妃祠

寒藤古木捲雙扉帝子荒祠枕翠微黃竹淚枯猶有恨蒼
梧龍去竟無歸神巫江上瓊蕭曲山鬼雲中蕙帶衣何事
嬋媛多太息騷人哀怨正聲希

靈風觀

在巫山

蜀山萬疊寒杳冥媿后導江驅六丁鑿開巫峽通東溟雲
峯十二張翠屏楚王曾此逢娉婷我今訪古征權停攀陟
危磴高矜嶺山巔叢祠竹柏青廡門泡釘熠繁星中有神
人坐明庭非妙二八侍玉軒爐煙裊裊春晝靜時有幽鳥
闕虛樞空山無人語鐸鈴花氣醉人午不醒不筭久竹生
青甯神鴉迎客颺修翎洞房明潔塵不到靈山草木都含

馨我聞瑤姬生帝廷左右玉女給使令出入風雨走雷霆
太陰貴眞自鍊形豈向濁世儕尹邢洛川有妃湘有靈騷
人微辭多不經曲士妄言亦妄聽朝雲暮雨訛千齡我欲
馳煙向山庭削除舊跡鐫新銘山靈聞言若首肯世間綺
語空臚腥

陳慶槐字應三號蔭三定海人乾隆庚戌進士歷官內
閣侍讀有借樹山房詩鈔

雨中次桃花寺

新泥滑滑路盤盤古剎連雲欲上難春雨偶從行帳聽好
山卻當故人看燈明如海搖羣宿旗溼因風捲暮寒苦憶
小園深巷裏落紅堆滿石闌干

黃新莊

看飽蘆溝月行旌駐遠郊日高烘溼瓦風急墮危巢官柳
綠無縫野花紅到梢層城屹如畫一抹翠煙交

陳之綱字旭峯鄞縣人乾隆庚戌進士官國子監助教

有杏本堂詩集

詩話旭峯早歲負才名以孝順考取學正登第時已
垂六十仍就原官法梧門祭酒選成均課士錄皆出
其手詩清蘊有味晚年境益
苦請亦益進多未經人道語

記夢

胡爲在深谷朝旭開新晴蒼崖蔭松柏浮翠滴空明道人
四五輩羽衣翩躚輕一人化爲鶴導余前溪行恂恍入古
寺寺古忘其名中有龐眉翁聚石談無生聽之久佇立語
陂理卻平颯然長風鳴幽鳥時一驚山溜何泠泠兼之清
磬聲

大司成法梧門先生過訪

落日掛簷楹閉關恣幽討僻巷車駢駢歡迎屣忘倒袖詩
出相見慷慨哀吾老巍然人倫師忘形敦夙好汪汪千頃
波豁爾廓懷抱菊籬酒已闌松閣飯尙早清談良多時毋
乃愁腹彙先生笑謂余茗飲吾既飽車驅車驅之及此斜
陽道

李鑾宣字伯宣號石農靜樂人乾隆庚戌進士由主事

官至雲南巡撫有堅白石齋集

詩話石農初自刑部郎累擢雲南按察以讞獄失當
謫戍遭父喪放還復官西曹游陟方面至四川布政
兼護督篆簡撫滇中未上官而卒石農以不得終事
其父而又無嗣居恒抑鬱每見於詩篇沈思獨往慨
乎其言

馬勝花歌弔姜白石

馬塍花發春濛濛馬塍花落呢小紅花開花落春已暮
鸚鵡燕驕東風白石先生墓草死年年寒食烏銜紙玉友
金蕉喚不醒玉人金縷歌誰倚只今水調按紅牙杜宇聲
聲訴落花縱使雪麋能護惜不知香夢入誰家

由富春至錢塘

莽莽水煙外霏霏山雨前野寒微有樹江遠不分天潮落
安鱧穴風吹冷鷺田西湖秋更好不到已三年

賈太傅祠

清風水面拂徐徐太傅祠堂返照餘文帝本爲恭儉主漢
廷誰識治安書生逢盛世才仍厄天奪中年志未舒我爇
瓣香來下拜何如君昔弔三閭

平涼城下作兼懷閩柱峯太守

會履

時柱峯秩滿入

都

數峯殘雪壓城低，翻動銀杯滑馬蹏。
青史幾朝驅鐵騎，白頭萬里望金雞。
渭州山拱都盧北，涇水源生薄洛西。
不見故人閭立本，郵亭誰伴醉如泥。

浮雲

浮雲萬里氣縱橫，羃羃荒煙一望平。
雁塞天寒春不到，龍沙車過轍無聲。
霜嚴戈壁駝峯兀，風捲穹廬烏陣驚。
到此不須愁寂寞，雪山長傍馬頭明。

推車謠

雙輪車雙足，趺夫爲推婦爲挽。
老嫗稚子坐兩頭，黃土滿身淚滿眼。
問從何處來，曰從山東來。
問從何處去，乞食遠方去。
車上何所有，破氈裹敝帚。
車中何所施，草根兼樹皮。

欲行不行行蹣跚昨日今日並無粒米餐長跽乞憐求施
一錢一錢不救君飢寒隻輪車車轉轂老嫗嗚嗚抱兒哭
賣汝難拋一塊肉不如老嫗經溝瀆

賣子謠

百錢賣一兒千錢賣一女小者五六歲大者三尺許十十
五五沿隄來々々于于黃塵羈老姆謂兒女賣汝實痛汝
懷中一塊肉棄作路旁土老父謂兒女賣汝乃愛汝朱門
酒肉臭但去無所苦癡兒癡女不知離別難從人略賣衣
禪單衣單單心悒悒兒長爲奴女爲妾竈前竈後背人泣
王蘇字濟嶠江陰人乾隆庚戌進士改庶吉士授編修
歷官衛輝知府有試峻堂詩集

詩話濟嶠剛中有守介特無所倚入詞館有聲爲言
官屢上封事出守衛輝治事不阿上官意方舉卓異

入對遽引疾歸遂不復出詩感物造端情辭
婉約時比於宋廣平作梅花賦不類其爲人

除夕

過隙光陰逼歲除
宦情歸計熟躊躇
善和坊裏誰尋醉
光範門前恥上書
濩落生涯千里外
昏黃燈火四更初
香消獨展寒衾卧
雪窖冰天冷不如

濶園歌爲許畫山

作屏

同年作

濶園一名石林畫山

也在榕城烏石山南朱竹垞分書題額漁洋山人
贈詩有甌香眞擅八閩風之句嘉慶庚申畫山屬
張船山問
陶爲圖

老榕千尋到天綠
綠陰下覆詩人屋
詩人疊石作飛濶
烏石山南種花竹
當時煮茗吟興長
詩成紙尾題甌香
竹垞來聞訪兩汪
汪徽爲書八分懸石廊
一生愛好新城王
贈言手探古錦囊
八閩壇坵推擅場
里傳萬歲比叔重
門有

月旦繼子將元孫誦芬來日下重乞圖書摹青蒼蕉紅荔
紫佛手黃榴花洞閉蓉山荒書留萬卷樹十抱斯園直接
松風堂百餘年來詩境變檢討尙書難再見錦秋湖上攀
柳條傾脂河畔流花片古蹟誰尋庾信居時人爭購元章
硯歸耕圖與載書圖塵中流落臨摹徧豈若漕園處海濱
一家堂構有傳人果多橄欖回餘味塢有蟠桃占好春園
亭亦寄滄桑慨平原片石今何在江南紅豆花滿枝藤蕪
脉脉長相思

辛酉夏月苦雨

蓮華寺外起風漪腹疾愁霖促鬢絲卧佛與人分榻冷溼
雲如我入山遲平蕪上屋開簾見飢雀尋巢隔樹知話雨
不禁危坐久藥鑪火熟已多時

陶家屋角樹扶疏，紙閣蕭然一榻虛。
牆缺暫教濃綠護，漏痕都似硬黃書。
懸河喜聽鄉人語，掀淖重邀長者車。
謂定九翰過林見舍北炊煙多未起，官貧敢歎食無魚。

重陽後十日晚過大伾山

傑閣風聲響海潮，不勝寒處近層霄。
雲邀暮色歸山寺，虹挾秋光落野橋。
仄徑無人支卧柏，清泉終古浸單椒。
自憐蒲柳凋零易，濟勝常扶瘦沈腰。

前度何曾識道場

八月過此未暇登山

重過猶及展重陽，新圖壁挂

楓千樹古字天驚雁，一行石洞人酣霞。
外酒丹房花拒夜，來霜鍊師莫笑癯。
官俗十七年前侍玉皇。

不分簡絮與胡蘇，故道誰緡禹貢書。
田舍薪芟官賦稅，山城沙磧古河渠。
微波競走催租吏，積雨難通泊粟車。
眾妙

門前重竚立滿衣塵土髮蕭疏

南牖

欸乃盪空碧孤舟曉欲東殘春野色外樂歲市聲中鳥語
林端日潮音水面風漁郎尙耐睡隔宿一鐙紅

淮關

晚市荒煙外重關積水邊閒雲過江散孤月入淮圓歲儉
增糧價裝輕減稅錢青青幾株柳曾繫去年船

題金檜門

德瑛

先生自書觀劇詩冊

蘇少時藏檜門先生書元人七

律一首筆法類褚河南後出鄒錫麓師門下於先生爲小門生因以所藏歸先生之孫筠泉考繼光祿嘉慶壬申筠泉從兄素中太守出先生手書觀劇詩冊命綴數語其後蓋乾隆庚辰八月書與門生楊閔度瀟觀近爲書買所得先生第十二孫小山孝廉購歸者也

少時藏弄先生書五十六字蟠躡珠高句麗紙老蠶繭河

南筆妙包歐虞豈知翰墨有瓜葛門生門下稱生徒能詩
光祿守家法書畫不許寒具汗

不設寒具
錫泉齋名

急搜行篋出眞

蹟珍比遺笏歸魏暮甌山不見錫山遠蘭亭眞本人間無
揭來晉陵訪老守銜杯共補消寒圖酒闌鄭重出詩冊冊
紙雖破墨未枯當時觀劇卅絕句絲竹陶寫聊自娛識是
先生暮年筆書成醉倩門生扶何期零落入書肆肯令散
亂拋中衢賢孫購得謹什襲趙璧價抵干瑤瑜架筆安用
青珊瑚薦地安用紅氍毹人生如戲戲易散登場傀儡空
喧呼若非老筆傳幻景焉得冷眼留眞吾如今試問吟風
閣更有何人唱鷓鴣

揚刺史有
傳奇數種

烏江

楚歌四面天茫茫數行泣掩重瞳光君王豈特萬人敵淮

陰自將十萬當東城僅存廿八騎猶能斬將誇身强大澤
掀泥走辟易神駢難踏波汪洋泗上亭長逼兄弟烏江亭
長須君王江東雖小尙足王一語氣已吞蕭張曷不用之
作舟楫漢兵後至無帆檣貨寶婦女委棄盡縱不富貴宜
還鄉胡爲刎頸贈故舊實廼自暴非天亡至今遺廟向江
涘塵土滿目春風涼階前舞草何旖旎貞魂不屑爲鴛鴦
思將白鐵鑄項伯昇而跽之兩庀旁男兒失節美人死寘
令相對知慚惶惜哉亭長計不售姓名鄉里遺子長八千
子弟無一返孤兒泣血心慨慷鍾離昧存季布在呼使將
此板咸陽事功不成死未晚仆者復起誠難量鴻門一誤
烏江再杜默何緣涕泗滂

將至武昌先寄匡山

客星煜煜照江波聽盡吳歌聽楚歌黃鶴九霄仙蹟遠赤
烏千古霸才多燒春別貯蒲萄斛藻夏新裁蛟蝶羅曾共
玉堂天上坐不知今夕景如何

投老閒身一死生故人況有故鄉情芙蓉不解留王迴鸚

鵝何妨殉福衡短檝蕭涼邀月色新篇悲健雜江聲舊游

難訪洪厓洞

余及匡山皆與洪洞劉竹軒司馬橋梓交厚

西望長嗟淚滿纓

邵葆醇字陸民號菘疇宛平人乾隆庚戌進士歷官福

建臺灣同知有鞞華吟舫詩鈔

邳州道中

將曉留明鏡殘輝照客顏寒沙微有樹薄霧不成山村遠
雞聲近秋涼馬意閒生平追勝迹今日傍江關

桂馥字冬卉號未谷曲阜人乾隆庚戌進士官永平知

縣有未谷集

詩話未谷治說文舊諸家之說爲義證沒後數十年始出闕通博洽成一家言工大小篆及漢隸詩多不留橐其孫顯說搜集刻行馬秋藥爲作序謂其無意於爲詩又言平日論詩多拘忌某字未愜某對未工徐思徐乙則固非無意於爲詩者卽今所存類皆骨幹堅凝風格道上在同時流輩中正復未遑多讓無意爲詩豈能及是

秋鶴席上醉歌

吳君煮酒酒不羣要余飲酒書八分墨摩一斗紙丈二弱
豪不醉難策勳是時春暝窗半啟花香酒氣醲氤氳淺斟
細酌到無算對客解帶微覺醺請試把管管無力寫出便
付秦人焚紅杏小史眞解事杯盤羅列腥與葷縱飲大噉
雜諧謔花陰漸轉天將曛興酣落筆無束縛墨瀋不顧霑
裳看橫卷直幅盡揮灑苦無餘紙書嘉文旁觀暢意呼大

好一贊亦足張吾軍乃知工拙在氣勢較量肥瘦徒紛紜
吳君吳君但願日日飲酒書八分富貴於我如浮雲

別萊州友人

東隅無事足徜徉怕見春風客路長住一年來如故里別
諸君去又他鄉長山雲斷天邊雁滄海田荒夢裏桑剩有
濤音詩數卷累人打疊滿巾箱

王西樵選萊州詩名
濤音集余爲開雕

沂州

茫茫大道接瑯琊齊魯遺風紀世家山到南徐如勒馬水
連東海盡盤蛇郟城麥秀朝飛雉蒙頂雲開夜采茶千里
窮原多古意空隨節物惜年華

孔褒銅印歌

張儉亡命誰投止魯國孔褒堪依恃事覺儉捕褒亦收一

門老幼力爭死死者千年骨已滅私印猶存肝膽血友朋

一諾重千金何煩印信合符節石碑出土成曰科獨留名

字終不磨其碑出於雍正間文多漫滅惟首行君諱褒字文禮數字未毀一碑一印在人

世閭中當有神物呵去年曾見竄武印漢人氣節如山峻

文舉之碑不可尋梁書南康簡王績之子通理嘗祭孔文舉墓並爲立碑製文甚美德讓

有碣字難認孔謙字德讓文禮弟其碣猶存我攜此印歸曲阜陳於碑下

拜稽首家業授受春秋經誰爲公羊發墨守

途中曉發

一鳥破寒綠秋意閒如客朝日明林端霜葉自修飾嶺下

亂水分山根孤煙直默默遠游子搖搖去何極

題畫

淡黃柳色小沙堤昨夜微霜秋滿溪月曉風清人未到藕

香常在釣船西

贈蘇卮園

卮園爲牛
空山高弟

不見空山老遺文都講知孤懷違世好靜力定羣疑貧借
僧寮坐閒爲弟子師名山圖籍在白首共相持

王麓臺畫

疊疊青山是富春浮嵐暝翠隔江津孤村十日黃梅雨行
盡松陰不見人

翁覃溪學士爲摹磚塔銘賦謝

唐書最喜磚塔銘惜哉破裂無完形河東一本是初拓懸
之海內如晨星欲攫不得三歎息歸把殘字空瞻瞻玉堂
學士莞而笑我有梁肉施飢僮羊毫一掃松風急百廿七
字雲英英硬黃響搨俱多事臨摹不數漚波亭滿堂傳示

稱快意孰知兩日勞經營學士初學虞永興有時闌入歐
率更上下顏柳兼褚薛全憑變法如寫生不然下筆求形
似得毋笑語同優伶不見摹勒重刻石寶鼎化作三足鐙
學士論書善取譬有似柘漿析朝醒尋常隻字足寶貴況
當妙墨雙眼明縱無蘭亭蘭紙本我心足使平如衡

題漢瓦頭

瓦文漢并天下

赤帝西走入咸陽威加海內諸侯王匈匈數歲苦未定蕭
何制作開天闔前殿武庫連雲起東闕北闕遙相望胡桃
油溼鴛鴦瓦鬱金香薰珠璣梁瓦文曰漢并天下不存戒
慎徒矜張帝赫斯怒謨過度大臣奏對詞牽彊天子重威
示壯麗土階在昔聞陶唐亡令後世復加此子孫藉口稱
高皇遂使濟南公玉帶編蒲割黍圖明堂君不見秦并六

國營阿房二世親降枳道旁可憐丞相收圖籍但效昆吾
作未央

高麗海苔牋扇

嫩於春草碧於煙疊就波紋半面牋海氣陰陰收不盡袖
中常似雨餘天

曉出肥城北郭

白露互山根山如水上出朝日照古原荒城抱秋色僻地
奇未探孤村遠不識薄寒上客衣立馬風瑟瑟

五嵐問西山之勝

君問山中幾日留西風立盡寺門秋秘魔厓下迤邏樹百
尺寒泉落上頭

古意

蓮子落秋水苦心空自知歲月如水深那有見蓮時

遺懷

開徧低棚扁豆花隨人去住總天涯秋風已老猶題扇布
被新涼頓憶家病後壺觴成故友夢中草木長春芽臨窗
破悶披書帙不爲生徒坐絳紗

醉司命圖爲吳穀人題

吾聞竈上祭厥名稱曰趨從走從畢聲義訓宜覈實歲終
百事了神亦職司畢送之上天去臘月廿三日行李已戒
途龜著並協吉何以答神麻酒糟甜如蜜神曰旣醉矣出
門走趨趨

梅花堡題壁

萬木陰中流水遠三家村外斷雲閒若使此身能自主祇

應解帶換青山

大理

點蒼洱海捍邊城，蒙段銷除六詔平。
山作圍屏十九疊，水如初月二三生。
龍關地接蜻蛉近，鴛浦雲連鐵柱橫。
萬里提封無事日，猶煩重鎮戍雄兵。

自南甯返馬龍

兩月南甯一日閒，歸來倚檻看青山。
那知春老無尋處，猶在清陰細草間。

柯枯里

毒熱柯枯里，諸蠻舊託栖。
大河流，水腐曠野怪蟲嘒。
夏葉先霜染，晴山帶瘴低。
欲尋投宿處，祇有一招提。

張若采字谷漪，號子白婁，縣人。乾隆庚戌進士官鎮番。

知縣有梅屋詩鈔

詩話子白少以詞賦名與阮文達同鄉舉通籍則後
一年及文達督學浙中子白猶未授官因贅婚吳興
沈氏遂留浙爲定香亭客隨文達出按試七月望舟
泊蕭山湖中作泊月園子白題句有云無數紙雲
客住一杯先酌芋蘿秋最爲文達激賞後謁選得新
昌令引見持調甘肅鎮番文達爲題西涼春色圖二
絕云獨攜書劍入西涼兒女英雄孰短長試問扁舟
行刺曲何如萬馬出姑臧河隴皆歸控制中白亭軍
領一城雄君王自有儲才意要使書生立塞功

黃龍隘

朝發永康城午達黃龍隘山程五十里應接頗不暇峯迴
學螺旋礪峭畫緩界雲日互蔽虧榛莽發荒怪時有風泉
墮溼翠襲衣衿薜花滑行屐登頓互相戒籃輿蝨其間點
破春山畫

黃龍不可攀白雲猶可贈益益山中春繁花垂古磴重關

昔據險龍戰幾決勝

明初耿再成敗元總管石抹宜孫於此

可憐笳鼓音曾

辱山靈聽今看石戶農布穀曉春醒閒雞犬家鬱鬱松篁徑何限看山人愛此靈區孕

縉雲霽發由東渡歷荆坑交青木合桃花諸嶺午抵

卻金館

一徑入蒼煙寒光隨變滅流雲似奔馬練影不可繼支筇
逞腰腳路競緩猱捷天風激飛泉亂灑晴空雪陽粵春英
敷幽厓陰翠結遠勢上愈工奇情浩難詰不知心賞疲反
訝目營拙大手孰開山竟爲我輩設何必闔風巔茲游已
冠絕

江中孤嶼謁文信國公祠

篠叢活得樵夫麥宋室江山無半壁數徧鼉更血淚紅飄

零又挂甌江席一拳孤嶼將沈陸正氣扶天鼇氣伏洪濤
百折走厓山中有包胥萬聲哭當年丞相起義師將傾之
屢誰能支千艘碇海挽無力中川落日俱含悲德祐二年
炎祚否孤臣心事可知矣玉帶空磨盾鼻煙黃冠肯照錢
塘水空同何處攀龍翼一痛江心積竹石斷碑七字貫星
芒蜃霧蛟涎不敢蝕空山依約來朱鳥雲疊春江愁滿抱
宿莽如抽祖逖鞭斷磯莫認田橫島我來肅拜瞻公像社
屋牲牢問無恙只有松枝溜雨喬孤撐猶似冬青樣卸卻
蒲帆翦翦風欲招遼鶴弔孤忠游人漫蠟登臨屐齒髮山
阿草最紅

王應垣字紫庭諸城人乾隆庚戌進士官榆林知縣有
南行吟草

寄家兄春溪

折腰猶作吏甲乙濫科名君已郎官貴我爲山水行春雲
障雖曲秋月隔滄瀛天際孤鴻渺何時向北征

鄭大謨字孝顯號青墅侯官人乾隆庚戌進士官泌陽

知縣有青墅詩鈔

詩話青墅服官河南時值楚氛近
逼軍書旁午不廢吟詠風雅士也

寄白浦二十二叔

薄宦分南北關河隔五千鄉心歸落雁客夢到秋天海國
滄波外梁園戰伐邊叔司鐸臺南子宰宛東時俱多警君恩浩無極兩地

歎風煙

宿大河屯

行行六十里夜宿大河屯霽瀑長新水秋聲撼近村鐙搖

雙劍影月露一弓痕
鼙鼓揭天動沙場勞夢魂

登新野城

登陣南縱目雉堞瞰龍溝

離城南十里許

夕照千村暮陰風萬木

秋地通淮水曲天入楚江頭
莫道無烽火兵戈尙未休

晚過黑石關

向晚牙槽下急湍
雄關屹立石巘岬
亂山鴉影晴川夕昏
樹烏颯故壘寒
北去遙連千尺岸
東風漫道一泥丸
誰能望氣全軍墨
岸幘斜陽指點看

叢臺

百尺叢臺杳靄間
行人指點趙江山
呂妲一去不歸國
和璧他時亦入關
月洞千年秋草長
眉池終古碧苔斑
月洞和璧俱叢臺勝景
滄桑幾變餘陳迹
併作盧生一夢看

封大受字仲可號荻塘德州人乾隆庚戌進士候選知縣有玉雨草堂詩草

鐵冶亭師惠示涉江集敬書一律

乍返珠江棹新排詩卷成江山寫清曉珠玉發光晶句爲思親苦愁從憶弟生蓼莪真欲廢掩淚對孤檠

常山訪范文正公讀書處

泰山高矣小云亭茲山獨以副嶽名龍圖昔作山中客壑谷草木皆甲兵會仙峯南醴泉側抱卷看雲真自得先憂後樂天下聞所讀何書人莫測古人不共白雲歸月上松梢映石扉煙深已失來時路彷彿書聲出翠微

晚晴移詩匯卷一百七終